



Universitätsbibliothek Paderborn

**Novæ Observationes Et Additiones Ad A. R. P. D.
Bartholomæi Gavanti Congreg. Cleric. Regul. S. Pauli ac
Sac. Rit. Congregat. Consultoris Commentaria In Rubricas
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad
præsens emanatis

Complectens omnia Gavanti Commentaria in Rubricas Breviarii - Cum
Indicibus Decretorum, Rerum atque Verborum notabilium

Merati, Gaetano Maria

Augustæ Vindelicorum, 1740

VD18 10783695-002

De mutatione Officii Divini. II.

urn:nbn:de:hbz:466:1-39775

Novæ Observationes, & Additiones ad Gavanti

Tit. II. De Mutatione Officii Divini.

I. Gavant. pag. 5. col. 1. n. 5. -- *Sacra Congregatio die quo supra octava Septemb. &c.) Decreta à Gavanto hic allegata sub die 8. Sept. reperiuntur in Regestis S. R. C. sub die 30. Augusti 1602. in Salernitana, & dantur in nostro Indice sub n. 2. & 3.*

Vide etiam Decreta in nostro Indice data sub n. 4. & sub n. 186. declarantia, quodnam Officium recitare debeant, & possint Tertiarii Sancti Francisci degentes in sacerdoce &c.

II. Gavant. pag. 5. col. 1. n. 6. -- *Festum Patroni Principalis loci &c.) Decretum allegatum à Gavanto hīc de Regularibus, qui tenentur celebrare Festum Patroni Principalis loci, sed sine octava, habetur in nostro Indice sub num. 63. ubi indicantur etiam alia S. R. C. Decreta spectantia ad eandem materiam, sed quia de Patrono loci, seu Titulo Ecclesiæ agendum est cum Gavanto etiam infra in sectione tertia. Cap. 12. idcirco nos quoque nonnulla addemus spectantia ad ritum, quo celebrari debet Officium Patroni loci, tum à Regularibus, tum etiam ab aliis.*

III. Gavant. pag. 5. col. 1. n. 7. -- *Non licet mutare Officium unius diei in Breviario Romano prescriptum, &c.) Declarat Gavantus hīc, quod præter prædictos casus exceptos, & alios, qui habentur aperte in Rubricis, seu Decretis S. C., de quibus nos cum eodem infra suis locis, non licet mutare Officium unius diei in Breviario Romano prescriptum, in Officium alterius diei, & qui mutat, præcepto non satisfacit, quæ Gavanti sententia desumuntur ex Bulla S. Pii V. Breviariis Romanis præfixa, in qua Sanctus Pontifex præcepit in virtute S. Obedientiæ, quod non aliter Horæ Canonicae recitentur ab iis, qui ad illas obligantur, quam juxta ritum in eo Breviario prescriptum, addens. -- Nemi-*

nem ex his, quibus hoc dicendi munus necessario imponsum est, nisi hac sola formula satisfacere posse. Unde sequitur peccare mortaliter omnes eos, qui notabiliter ab ea formula discedunt, venialiter vero ratione parvitas materiae, dempto tamen contemptu, qui circa rationabilem causam, ab ea Regula discedunt, sed non notabiliter. Usque modo tamen, & ex prædictis verbis Pontificis non evincitur, nisi quod ii, qui juxta suam Constitutionem, uti debent Breviario Romano, non satisfaciant muneri suo, si recitent Officium juxta normam in aliis Breviariis prescriptam; & equidem etiam post emanatam talem Constitut. controversia non levis est inter Theologos, utrum satisfaciant præcepto Divini Officii, qui aliquod Officium juxta formam Breviarii Romani, pro alio Officio in eodem Breviario contento, recitant.

Prima Sententia, cui adhæret Gavantus, hoc num. 7 & quam tradit Gobat træd. 5. disp. 3. num. 858. cum Tolet. Bonac. & aliis docet, quamcumque Officii mutationem importare notabilem deviationem à formula prescripta in Bulla Pii V. & ideo esse mortaliter peccaminosam, & non satisfacere præcepto illum, qui taliter variaret Officium Divinum. Verum quanvis Gavantus hic versetur in hac sententia, nihilominus s. d. 2. cap. 2. num. 8. fatetur, Bullam Pii V. obligare omnes, qui tenentur Horas Canonicas recitare, ut utantur Breviario Romano, aliæ non satisfacere muneri suo; in quo omnes profecto convenient, sed non inde sequitur, non satisfacere eidem muneri, qui unum Officium in Breviario Romano contentum pro alio recitaret.

Secunda sententia extreme opposita, pro qua Gobat loc. cit. afferit triginta quatuor Auctores nominari, docet, quamcumque Officii pro Officio mutationem esse levem, at-

A 2 que



que adeò nunquam in ea culpam gravem reperriri, quia in quolibet Officio habetur Ritus substantialis à Pio V. præscriptus, videlicet, quod constet septem Horis, Psalmis, Lectionibus &c. & eorum variatio est mere accidentalis, sicut est mere accidentalis variatio unius Missæ in aliam, dummodo servetur Ritus substantialiter præscriptus, quod scilicet constet Introitu, Epistola, Evangelio &c.

Tertia sententia, quam tenet Suarez, Baldel. Reginal. & alii, docet graviter peccari, quoties in fraudem mutatur Officium in notabiliter brevius, & quoties frequenter mutatur in æquale, quia in his casibus videatur notabilis discessus à Ritu, & formula præcripta, & sub gravi præcepta.

Quarta denum sententia, quam Sanchez putat probabilem, & quam tenent pariter Vasquez, Escobar, Rodriguez, & Tamburinus, docet, solum frequentiam mutandi Officium importare culpam lethalem, & non nisi veniale, si semel, aut iterum Officium de Sancto subrogetur Officio Dominicæ, etiam si illud sit valde brevius; prefati tamen Auctores nulquam docent expresse posse Officium Resurrectionis, vel Pentecostes extra suas octavas recitari citra culpam gravem; solus Caramuel id afferuit, sed postea suam sententiam retractavit in alia sui operis editione num. 1489. ejusque primam opinionem utpote repugnantem communis Fidelium, & Doctorum sensui confutavit noster celeberrimus Pater Diana part. 1. tract. 1. resol. 26. & revera caret omni probabilitate, præsertim postquam Alexander VII. proscriptit frequentem propositionem, nimirum: *In die Palmiarum recitans Officium Paschale satisfacit præcepto:* certum igitur omnino est, quod qui recitant Officium Resurrectionis, aut Pentecostes (extra suas octavas) quæ uno tantum nocturno constant, & brevissima sunt, adeoque notabiliter diversa à communi, & ordinario Ritu, non satisfaciunt præcepto, cum talis variatio sit notabiliter diversa, ac proin-

de citra mortale nequit Officium Resurrectionis, & Pentecostes Officio trium nocturnorum, seu Feriali subrogari; & hanc sententiam validis rationum momentis probat Dominicus Viva in Trutina Theologica Damnatuarum Thesum p. 1. *proposit. 34.*

Prima ex propositis sententiis pace illustrium virorum, qui illam propugnant, videtur nobis nimis rigida, quia ex Bulla Pii V. non eruitur nisi id, quod supra adnotavimus etiam cum Gavantu in explicacione ejusdem sententiae; Secunda è contra illi extreme opposita apparet nimis laxa, quia nimis generaliter loquitur de mutatione cuiuscumque Officii in aliud nulla facta exceptione. Tertiam libenter admitto. Quarta autem non caret sua probabilitate, sed utrum amplectenda sit, non est hic disputandi locus, aliis hanc Provinciam relinquimus.

Lubet hoc loco tradere aliam propositiōnem damnatam ab Alexandro VII. qua habetur num 35. in qua sic legitur -- *Unico Officio potest quis satisfacere dupli præcepto pro die presenti, & crastino --* Hanc opinionem insinuabat Caramuel in sua Theologia fundamentali, ubi num. 31. inquirebat, an recitans Matutinum cum Laudibus post Vesperas, quando potest illud recitari tam pro die hodierno, quam pro crastino, satisfaciat dupli præcepto recitandi illud pro utroque die: ibique adducebat rationes pro sententia affirmativa, quæ fuit proscripta, & quam supra laudatus P. Viva optime suo more refellit.

Denique congruum videtur hic mentionem facere Decreti dati in nostro Indice sub num. 79. nimirum: *Recitatio Officij de Beatis non Canonizatis non est satisfactoria præcepti, nisi quoad illos, quibus Sedes Apostolica de hoc induxit.*

IV. Gavant. pag. 5. col. 2. num. 8. *Fieri potest Officium Duplex, &c.)* Allegat Gavantu Decretum S. R. C. editum die 23. Novembris 1602. in Vicentina, & datum in nostro Indice sub num. 6. in quo statuitur, quod

de



de Sancto, cuius Insignis Reliquia habetur, fieri potest Officium Duplex minus in ejus Festo, dummodo sit Reliquia approbata. Hoc Decretum confirmatum fuit alio simili edito die 3. Junii 1617. in una Urbis Theatinorum, & dato in nostro Indice sub num. 40. Insignes autem Reliquiae (quarum ratione recitari potest Officium sub Ritu Duplici) sunt Caput, Brachium, Crus, aut illa pars Corporis, in qua passus est Martyr, modo sit integra & non parva, & legitime ab Ordinariis approbata, juxta Decretum editum die octava Aprilis 1628. & datum in nostro Indice sub num. 59. Tale autem Officium non potest celebrari per totam Civitatem, sed tantum in illa Ecclesia, in qua assertur Corpus, aut praedicta Insignis Reliquia, ut declaratur in alio Decreto edito die 8. Aprilis 1628. & dato in nostro Indice sub num. 60. In Decreto emanato die 3. Junii 1662. & dato in nostro Indice sub num. 82. declaratum fuit, Episcopum non posse statuere diem Dominicam ad celebrandum Festum alicujus Sancti Martyris, de quo servetur Reliquia Insignis, immo neque posse de eo celebrari Officium, & Missam in die ipsa Martyrii, vel obitus, nisi Reliquia sit de Sancto descripto in Martyrologio Romano, & constet de identitate Reliquiae ejusdem Sancti. Denique in eodem Decreto declaravit S. C. Tybiam non esse Reliquiam Insignem, prout etiam habetur in Rubricis tum Missalis, tum Breviarii Romani. In Decreto autem edito die 11. Augusti 1691. approbante etiam Innocentio XII. die 19. Octobris ejusdem Anni, & dato in nostro Indice sub num. 165. confirmantur praedicta Decreta, & deinde additur, quod de ceteris Sanctis in Martyrologio Romano non descriptis, aut quibus à Sancta Sede non fuerit concessum, Officia recitari, & Missae celebrari non debent, non obstante, quod ipsorum corpora, vel insignes Reliquiae in Ecclesiis assertur, quibus tamen Reliquis ab Ordinariis locorum approbatis, debita fidelium veneratio (prout haec tenus

servatum est) exhibeat, sed absque Officio, & Missa sub preci de non satisfaciendi precepto recitandi Officium, aliisque in Constitutione Pii V. contentis.

Reliquia insignis, ratione cuius potest recitari Officium duplex, & dici *Credo* in Missa de tali Sancto (in Ecclesia, in qua assertur talis insignis Reliquia) iudicio Quarti part. 1. tit. 11. dub. 3. est Manus, vel Pes, vel aliud frustum; sed haec sententia corruit, attento Decreto S. R. C. supra relato, in quo declaratur, quod insignis Reliquia debet esse Caput, Brachium, Crus, vel pars illa, in qua passus est Martyr, & quidem integra, & non parva. Censetur autem adhuc esse integra pars, juxta citatum Quarti part. 1. tit. 1. dub. 4. & Lohner *instrud*. 1. part. 2 n. 1. quamvis illa (v. g. Caput) ex pluribus fragmentis constet per artificiale unionem, tamen ita conjunctis, ut non modo adsint omnia frusta, seu fragmenta, sed etiam apparet integra; integrum, v. g. Caput, Brachium, &c.

Porro si Reliquia sit de Christo Domino, Beataissima Virgine, aut alio Eminentissimo Sancto juxta Quintanadvennam apud Gobat tract. 3. num. 683. ea censetur esse insignis, licet sint tantum Capilli B. V. aut sint S. Annae, vel alicujus Apostoli Ossa magnitudinis palmaris: *Tunc enim*, inquit laudatus Auditor, *defectus quantitatis ab excessu qualitatis suppetur*. Verum amplectenda est sententia nostri Pasqualigi de *Sacrificio novae legis tom. 1. tract. 1. quast. 261. sub num. 6.* ubi docet, defectum quantitatis Reliquiae, non suppleri à qualitate Sancti, quia licet sint insignes relative ad Sanctos, non tamen sunt insignes secundum se, & consequenter nec in ordine ad recitationem Officii, & celebrationem Missæ. Quod vero Spinam de Corona Domini nostri IESU Christi Pasqualigi sententia non est admittenda, nam in Decreto edito die 21. Junii 1632. & dato in nostro Indice Decretorum spectantium ad Rubricas Missalis sub n. 264, declaratur, quod Spinæ de

